

四庫全書

子部

# 欽定四庫全書

子部

農政全書卷二十六

詳校官中書<sub>臣</sub>寶汝翼

編修<sub>臣</sub>倉聖脈覆勘

總校官進士<sub>臣</sub>朱 鈐

校對官中書<sub>臣</sub>高 中

謄錄監生<sub>臣</sub>施 華

欽定四庫全書

農政全書卷二十五

樹藝

穀部上

明 徐光啟 撰

王禎百穀序曰嘗謂上古之時人食鳥獸血肉以為食  
至神農氏作始嘗草別穀而後生民粒食賴焉物理論  
曰百穀者三穀各二十種為六十種蔬菜各二十種共

為百穀注云梁者黍稷之總名稻者既種之總名菽者種豆之總名三穀各二十種為六十蔬菓之類所以助穀之不及也夫蔬熟平時可以助食儉歲可以救飢其菓實熟則可食乾則可脯豐歉皆可充飢古人所謂木奴千無凶年非虛語也雖曰種各有二十殆難枚舉今故總為編錄其陂澤之產園野之材與夫雜物品類上以助百穀之闕下以補諸物之遺條列而詳具之庶幾覽者擇取而備用焉

穀名攷五穀禾麻粟麥豆也周禮註又以麻黍稷麥豆  
為五穀六穀者穀黍稷稻粱麥蔬八穀者黍稷稻粱禾  
麻菽麥九穀者穀黍稷秫稻麻大小豆大小麥鄭玄註  
又云九穀無秫大麥而有粱蔬

黍爾雅曰秬黑黍秠一稈二米

郭璞曰秠亦黑黍也說文曰黍可為酒從禾入

水為意

汜勝之曰黍暑也當暑而生暑後乃成也

雜陰陽書曰黍生于榆六十日秀秀後六十日成王禎

曰詩云維秬維秠秬黑黍也又曰秬鬯一亩此言黍之為酒尚矣今有赤黍米黃而黏可蒸食白黍釀酒亞於糯秫又北地遠處惟黍可生其莖穗低小可以釀酒又可作饌粥黏滑而甘此黍之有補于艱食之地也凡祭

祀以之為上盛貴其色味之美也 廣志有赤黍白黍  
黃黍大黑黍牛黍燕頤馬羊驢皮稻尾濕屯黃田堰云

鶯鵲  
之名

齊民要術種黍法曰凡黍稼田新開荒為上大豆底為

次穀底為下地必欲熟

再轉乃佳若春夏耕者下種後再勞為良

一畝用子

四升三月上旬種者為上時四月上旬為中時五月上

旬為下時夏種黍稼與植穀同時非夏者大率以耨赤

為候燥濕候黃塲種訖不曳撻常記十月十一月十二

月凍樹日種之萬不失一

凍樹者凝霜封著木條也假令月三日凍樹還以月三日

種黍他皆倣此十月凍樹宜早黍十一月凍樹宜中黍  
十二月凍樹宜晚黍若從十月至正月皆凍樹者早晚  
黍悉宜也 苗生隴平即宜耙勞鋤三遍乃止鋒而不耩苗晚耩即

多折刈黍欲早刈黍欲晚

黍晚多零落黍早米不成諺曰黍青候黍折頭皆即

濕踐之久積則泥鬱操踐多兇年黍踐訖即蒸而裹之

不蒸者準春米碎至春又土臭蒸則易春米堅香氣經夏不歇

黍宜曬之令燥

濕聚則鬱凡

黍黏者薄收黍味美者亦收薄難春孝經援神契曰黑

墳宜黍麥尚書考靈曜云夏火星昏中可以種黍汜勝

之書曰先夏至二十日此時有雨疆土可種黍一畝三

升黍心未生雨灌其心心傷無實凡種黍覆土鋤治皆

如禾法欲疎於禾

疎黍雖科而米黃人多減及空令概雖不科而米白且均熟不減更勝疎

者崔氏曰四月蠶入簇時雨降可種黍禾夏至先後各

二日可種黍蟲食李者黍貴也

稷爾雅曰粱稷也

禮記祭宗廟稷曰明粱南人承北音呼稷為稭謂其米可供祭也陶弘

景曰稷與黍相似

許慎曰稷五谷之長田正也此乃官名非谷號先儒又以稷為粟類也賈思勰曰穀者

總名非止為粟也然今人專以稷為穀望俗名之耳郭璞曰今江東呼稷為粱孫炎曰稷粟也雜陰陽書

曰稷生于棗或揚九十月秀秀後六十日成春秋說題曰粟之為言續也粟五變一變而以陽生為苗二變而



步為禾三變而粳然為之粟四變八曰米出甲五變而  
蒸飯可食 宋均注云陽以一立為法故粟積大一分  
穗長一尺文以七列精以五立西者金所立米者陽精  
故西字米而為粟 廣志曰有赤粟白莖有黑格荏粟  
有張公斑有含黃有蒼背稷有雪白粟亦名白粟又有  
白藍下竹頭青白速麥推石精舂踏之名種云 賈思  
勰曰朱穀高居黃劉猪猪道慈黃胎穀黃雀悞黃續命  
黃百日糧又起婦黃辱稻糧奴子塲音加支穀焦金黃  
鷄鳴合履今一名麥爭塲此十四種早熟耐旱免蟲胎  
穀黃辱稻糧二種味美今墮車下馬看白羣羊懸蛇赤  
尾龍虎黃雀民漆馬洩糶劉猪赤李谷黃河摩糧東海  
黃石駱歲青莖青黑好黃陌南木隈隄黃宋黃癡指張  
黃兔胙青惠目黃寫風赤一峴黃山嵯頓壳黃此二十  
四種穗皆有毛耐風免雀暴一峴黃一種易舂實珠黃  
俗得白張鄰黃白醴谷鉤干黃張蟻白耿虎黃都奴紅  
茹蘆黃熏猪赤魏與黃白莖青竹根青調母梁磊環黃

劉沙白憎延黃赤梁穀靈忽黃懶尾青續得黃得客青  
孫延黃猪矢青煙熏黃樂婢青平壽黃鹿極白醴折作  
黃稗摻阿居黃赤巴梁鹿蹄黃鉞狗倉可憐黃米谷鹿  
極青阿返此三十八種中麕大穀白醴穀調母梁二種  
味美擇谷青阿居黃猪矢青有二種味惡黃稗摻樂婢  
青二種易春竹葉青石柳閱竹根青一名胡谷水黑穀  
忽泥青銜天棒雉子青鷓鴣腳穀鴈頸青攬堆黃青子規  
此十種晚熟耐蟲災則盡矣玄扈先生曰古所謂黍今  
亦稱黍或稱黃米務則黍之別種也今人以音近誤稱  
為稷古所謂稷通稱為穀或稱粟梁與秫則稷之別種  
也今人亦稷稱為穀物之廣生而利用者皆以其公名  
名之如古今皆稱稷為穀也晉人稱蔓菁為菜吳人稱  
棗為菓稱陵苕為草洛陽稱牡丹為花又曰祭之苗葉  
莖蕙與黍不異經典初不及稭後世農書輒以黍稭並  
稱故稭者黍之別種也郭璞注爾雅藿赤梁粟芑白果  
栗皆好穀也言梁又言栗言穀故梁者稷之別種也廣

志曰秫黏粟說文曰秫稷之黏者故秫亦稷之別種也  
凡黏穀皆可為酒拒黍黏故古人以為酒秫者黏稷亦  
可為酒故陶潛種五十  
畝秫非今之蜀秫也

齊民要術種稷法曰凡穀成熟有早晚苗稈有高下收

實有多少質性有強弱米味有美惡粒實有息耗

早熟者苗

短而收多晚熟者苗長而收少強苗者短黃穀之屬是也弱苗者長青白黑者是也收少者美而耗收多者惡而息  
地勢有良薄

良田宜種晚薄田宜種早良田非獨宜晚早亦無害薄地宜早晚必不成

實山澤有異宜

山田種強苗以避風霜澤田種弱苗以求華實也

順天時量地

利則用力少而成功多任情反道勞而無獲

八泉伐木登山求魚

手必虛迎風散水  
逆坂走九其勢難

凡穀田菜豆小豆底為上麻黍胡麻

次之蕪菁大豆為下良田一畝用子五升薄地三升穀

田必須歲易二月三月種者為種禾四月五月種者為

種禾二月上旬及麻苧楊生種者為上時三月上旬及

清明節桃始華為中時四月上旬及棗葉生桑花落為

下時歲道宜晚者五月六月初亦得凡春種欲深宜曳

重捷夏種欲淺直置自生

春風冷生遲不曳捷則根虛  
雖生輒死夏氣熱而生速曳

捷遇雨必堅垆其澤澤多者或亦不須捷必  
欲捷者宜須待白背濕捷令地堅硬故也

凡種穀雨

後為佳遇小雨宜接濕種遇大雨待歲生

小雨不接濕無以生禾苗

大雨不待白背濕種則令苗瘦歲若盛者先鋤一遍然後納種乃佳也

春若遇旱秋耕之

地得仰壟待雨夏若仰壟匪直盪汰不生兼與草歲俱

出凡田欲早晚相雜有閏之歲節氣近後宜晚田然大

率欲早早田倍多於晚

早田淨而易治晚者蕪穢難出其收多少從歲所宜非闕早晚

然早穀皮薄米實而多晚穀皮厚米少而虛也

凡五穀惟小鋤為良

小鋤者非直省功穀

亦倍勝大鋤者草根繁茂用功多而收益少

良田率一尺留一科

劉章耕田歌深耕概

種立苗欲疏非其種者鋤而去之諺云迴車倒馬擲衣不下皆十石而收玄扈先生曰言初則迴車倒馬後則

擲衣不下所謂其生  
欲疎其熟欲相扶也  
汜勝之書曰燒黍稷則害刈

史記曰陰

陽之家拘而多忌正可知梗稊不可  
委曲從之諺曰以時及澤為上策也  
尚書考靈曜曰春

鳥星昏中以種稷

鳥朱鳥  
鵠火也

秋虛星昏中以收斂

虛玄  
枵也

稻爾雅曰稌稻

郭璞注曰沛國今呼稻為稌  
廣志云有虎掌稻紫芒稻赤芒稻白米

南方有蟬鳴稻七月熟有蓋下白稻正月種五月獲  
其莖根復生九月復熟青芋稻六月熟累子稻白漢稻

七月熟此三稻大而且長梗有烏梗黑梗青幽白夏之  
名說文曰稌稻紫莖不黏者梗稻屬周處風土記曰

稌稻紫莖穗稻之青穗米皆青白也  
字林曰粳功稻  
今年死來年自生曰粳案今世有黃稻黃陸稻青稗稻

豫章青稻尾紫稻青杖稻飛青稻赤中稻烏陵稻大香  
稻小香稻白地稻孤灰稻一年再熟有秋稻秣稻米一

名糯米俗云亂米非也有九格秫雉木秫大黃秫常秫  
馬身秫長江秫惠成秫黃滿秫方滿秫虎皮秫薈柰秫  
皆米也楊泉物理論曰稻者漑種之總名李時珍曰  
稻有水旱二種南方土下塗泥多宜水稻北方地平惟  
澤土宜旱稻古者惟下種成畦故祭祀謂之嘉蔬今皆  
拔秧栽種矣其種近百其穀之先芒長短大細與米之  
赤白紫烏堅鬆香否亦百不同也雜陰陽書曰稻生  
于柳或楊八十日秀秀後七十日成黃省曹理生玉  
鏡曰稻之粒其白如霜其性如水說文謂之稌沛國謂  
之梗以黏者謂之糯亦謂之秫以不黏者謂之秔亦謂  
之梗故汜勝之云三月而種秔四月而種秫然皆謂之  
稻魯論之食夫稻梗也月令之秫稻糯也糯無芒梗有  
芒梗之小者謂之秬秬之熟也早故曰早稻梗之熟也  
晚故曰晚稻京口大稻謂之梗小稻謂之秬其粒細長  
而白味甘而香九月而熟是謂稻之上品曰箭子其粒  
大而芒紅皮赤五月而種九月而熟謂之紅蓮其粒尖

色紅而性硬四月而種七月而熟曰金城稻是惟高仰之所種松江謂之赤米乃穀之下品其粒長而色斑五月而種九月而熟松江謂之勝紅逆性硬而皮莖俱白謂之擺種稻其粒大色白稈軟而有芒謂之雪裏揀其粒白無芒而稈矮五月而種九月而熟謂之師姑杭湖州錄云言其無芒也四月謂之矮白其粒赤而稈芒白五月初而種八月而熟謂之早白稻松江謂之小白四明謂之細白九月而熟謂之晚白又謂蘆花白松江謂之大白其三月而種六月而熟謂之麥爭場其再蔣而晚熟者謂之烏口稻在松江色黑而能水與寒又謂之冷水結是為稻之下品其粒白而大四月而種八月而熟謂之中秋稻在松江八月望而熟者謂之早中秋又謂之閃西風其粒白而穀紫五月而種九月而熟謂之紫芒稻其秀最易謂之下馬看又謂之三朝齊湖州錄云言其齊熟也其在松江粒小而性柔有紅芒白芒之等七月而熟曰香杭其粒小色斑以三五十粒入他米



數升炊之芬芳馨美者謂之香子又謂之香糯其粒長而釀酒倍多者謂之金釵糯其色白而性軟五月而種十月而熟曰羊脂糯其芒長而穀多白斑五月而種九月而熟謂之胭脂糯太平謂之硃砂糯其白斑五月而種十月而熟謂之虎皮糯太平又云厚稈紅黑斑而紅其粒最長白稈而有芒四月而種七月而熟謂之魁陳糯太平謂之趕不著亦謂之私糯其粒大而色白四月而種九月而熟謂之矮糯其稈黃而色赤已熟而稈微青色布宜良田四月而種九月而熟謂之青稈糯其粒大而色白芒長而熟最早其色易變而釀酒最佳謂之蘆黃糯湖州謂之泥裏變言其不待日之曬也其粒圓白而稈黃大暑可刈其色難變不宜於釀酒謂之秋風糯可以代稈而輸租又謂之購官糯松江謂之冷粒糯其不耐風水四月而種八月而熟謂之小娘糯譬閨女然也其在湖州色烏而香者謂之烏香糯其稈挺而仆者謂之鐵梗糯芒如馬鬃而色赤者謂之赤馬鬃糯其粒

小而色白四月而種六月而熟謂之六十日稻又遲者謂之八十日稻又遲者謂之百日赤而毘陵小稻之種亦有六十日秈八十日秈百日秈之品而皆自占城來實賴水旱而成實作飯則差硬宋氏使占城珍寶易之以給於民者在太平六十日秈謂之拖犁歸有赤紅秈有百日秈俱白稗而無芒或七月或八月而熟其味白淡而紅甘在閩無芒而粒細有六十日可穫者有百日可穫者皆曰占城稻其已刈而根復發苗再實者謂之再熟稻亦謂之再捺其在湖州一穗而三百餘粒者謂之三穗子周官曰稻人掌稼下地以瀡蓄水以防止水以溝蕩水以遂均水以列舍水以漚渴水以涉揚其芟作田凡稼澤夏以水珍草而芟夷之澤草所生種之芒種玄扈先生曰稻田用水隨地隨時不拘一法括之以兩言曰蓄與洩而已周禮稻人職曰以瀡蓄水以防止水皆言蓄也禹之陂九澤亦蓄也以漚渴水言洩也禹之決九川亦洩也以溝蕩水以遂均水以列舍水

者上源所蓄驪諸田間也禹盡力溝洫暨稷播奏庶艱食則用水之效也亢倉子曰得時之稻莖條長稠穗如馬尾失時之稻纖莖而不滋厚糠而苗死又曰樹肥無使扶疎樹磽不欲專生而獨居肥而扶疎則多糝而專居則多死孝經援神契曰汙泉宜稻

### 崔寔曰種稻美田欲稀

汜勝之書曰種稻春凍解耕反其土種稻區不欲大大則水深淺不過冬至後一百一十日可種稻稻地美用種畝四升始種稻欲濕濕者缺其塋令水道相直夏至後大熱令水道錯

齊民要術種稻法曰稻無所緣惟歲易為良選地欲近

上流

地無良薄水清則稻美也玄扈先生曰水田之處不在水原則在水委原欲近泉委欲近潞非泉非

潞則於溪澗江河長流不竭之處

三月種者為上時四月上旬為中時

中旬為下時先放水十日後曳陸軸十遍

遍數惟多為良地既

熟淘淨種子

浮者不去秋則生稗玄扈先生曰凡種子皆宜淘去浮者穀浮者秕果浮者油也

漬經三宿漉出內草簍

以荻穀以盛穀

中裏之復經三宿芽生

長二分一畝三升擲三日之中令人驅鳥稻苗長七八

寸陳草復起以鎌侵水芟之草悉膿死稻苗漸長復須

薈薈訖決去水曝根令堅量時水旱而溉之將熟又去  
水霜降穫之北土高原本無陂澤隨逐隈曲而田者二  
月冰解地乾燒而耕之仍即下水十日塊既散液持木  
斫平之納種如前法既生七八寸拔而栽之

既非歲易  
草稗俱生

芟亦不死故  
須栽而薈之

溉灌收刈一如前法畦畛大小無定須量

地宜取水均而已藏稻必須用簞

此既水穀害埋得  
地氣則爛敗也

若

於久居者亦如蓐麥法春稻必須冬時積日曝曝一夜

置霜露中即春

若冬春不乾即米青赤脉  
起不經霜不燥曝則米碎

秣稻法一切

同

王禎稻論曰稻之為言藉也稻舍水盛其德也稻太陰  
精含水漸洳乃能化也淮南子曰江水肥而宜稻南方  
下土塗泥皆宜水種治稻者蓄陂塘以瀦之置隄閘以  
止之又有作為畦埂耕耙既熟放水勻停擲種於內候  
苗生五六寸拔而秧之今江南皆用此法苗高七八寸  
則耘之

爪耘耙耘  
具農器譜

耘畢放水燒之欲秀復用水浸之苗

既長茂復事薅拔以去根莠農家收穫尤當及時江南

上雨下水收稻必用喬杆筲架乃不遺失

喬杆筲架蓋具農器譜

刈早則米青而不堅刈晚則零落而損收又恐為風雨損壞此九月築塲十月納稼工夫次第不可失也大抵稻穀之美種江淮以南直徹海外皆宜此稼

玄扈先生曰今人用穀種畝一斗以上密種而少糞難耘而薄收也但插蒔早者用種須少插蒔遲者用種宜稍多吾鄉人多種吉貝芒種以前甚無暇夏至前方插蒔亦有過夏至者用種不得不多

亦有小暑後插蒔而用種如常則先種麻

燈心蓆草之屬  
田底極肥故也

齊民要術種早稻法曰早稻用下田白土勝黑土

非言下田

勝高原但下停水者不得禾豆麥稻四種雖澇亦收所謂彼此俱獲不失地利故也下田種者用功多高厚種者與禾同等也凡下田停水處燥則堅垆

土乾也

濕則汙泥難治

而易荒境墾而殺種

玄扈先生曰早稻有稭有糯有遲有早每畝須糞二十餘石亦懼大

旱可灌之又曰早稻稻也最須水宜用區種畦種兩法

其春耕者殺種尤甚故宜

五六月膜之以擬壟麥麥時水澇不得納種者九月中

復一轉至春種稻萬不失一

春耕者十不收五蓋誤人耳

凡種下田



不問秋夏候水盡地白背時速耕耙勞頻煩令熟

過燥則堅

過雨則泥所以宜速耕

二月半種稻為上時三月為中時四月初

及半為下時漬種如法裹令開口耬耩掩種之

掩種者省種而

生科又勝擲者

即再通勞

若歲寒早種慮時晚即不漬種恐芽焦也

其土黑堅強之

地種未生前遇旱者欲得牛羊及人踐履之

可

濕則

不用一迹入稻既生猶欲令人踐攏背

踐者茂而多實

苗長三

寸耙勞而鋤之鋤惟欲速

稻苗性弱不能扇草故宜數鋤之

每經一雨

輒欲耙勞苗高尺許則鋒大雨無所作宜冒雨薈之科

大如概者五六月中霖雨時拔而栽之

栽法欲淺令其根鬚四散則滋

茂深而直下者聚而不科其苗長者亦可拔去葉端數寸勿傷其心也

又七月不復任栽

七月百草成時晚故也玄扈先生曰水稻秧長其高田亦用此法南土立秋後十日尚可栽北土不然

種者不求極良惟須廢地

過良則苗折廢地則無草

亦秋耕耙勞令

熟至春黃塲納種

不宜濕下

餘法悉與下田同矣

王禎旱稻論曰今閩中有得占城稻種高仰處皆宜種

之謂之旱占其米粒大而且甘為旱稻種甚佳北方水

源頗少陸地沾濕處宜種此稻

玄扈先生曰賈氏齋民要術著旱稻種法頗詳

則中土舊有之乃遠取諸占城者何也賈故高陽太守  
豈幽燕之地自昔有之爾時南北隔絕無從得耶抑北  
魏時有之後絕其種耶既或昔有今無何妨昔無今有  
真宗從占城移之江浙江朔從建安移之中州稍一展  
轉便令方內足食則執言上地不宜使人怠意移植者  
必不可也今北土種者甚多畿內種推平峪山東推沂  
州不啻新  
城梗稻矣

丘濬曰地土高下燥濕不同而同於生物生物之性雖  
同而所生之物則有宜不宜焉土性雖有宜不宜人力  
亦有至不至人力之至亦或可以回天況地乎宋太宗  
詔江南之民種諸穀江北之民種杭稻真宗取占城稻

種散諸民間是亦大易裁成輔相以左右民之一事今世江南之民皆雜蒔諸穀江北民亦兼種秔稻昔之秔稻惟秋一收今又有旱禾馬二帝之功利及民遠矣後之有志於勤民者宜倣宋主此意通行南北裨民兼種諸穀有司考課書其勸相之數其地昔無而今有成效者加以官賞

玄扈先生曰仲深先生所云南北宜兼種諸穀考課有司欲令昔無而今有者

至哉言也居上者人有此心民安得歲死哉王禎有言悠悠之論率以風土不宜為說按農桑輯要云雖北之風土種藝不謹者有之種藝雖謹不得其法者有之余謂風土不宜或百中間有一二其他美種不能彼此相

通者正坐懶慢耳凡民既難慮始仍多坐井之見士大夫又鄙不屑談則先生之論將千百載為空言耶且展轉溝壑者何罪焉余故深排風土之論且多方購得諸種即手自樹藝試有成效乃廣播之倘有俯同斯志者盍急圖焉凡種不過一二年人享其利即亦不煩勸相耳

徐獻忠曰居山中往往旱荒乞得旱稻種吳石岐大叅家糯紫黑色而稈者白往時宋真宗因兩浙旱荒命於福建取占城稻三萬斛散之仍以種法下轉運司示民即今之旱稻也初止散於兩浙今北方高仰處類有之者因宋時有江餉者建安人為汝州魯山令邑多苦旱

乃從建安取旱稻種耐旱而繁實且可久蓄高原種之  
歲歲足食種法大率如種麥治地畢豫浸一宿然後打  
潭下子用稻草灰和水澆之每鋤草一次澆糞水一次  
至于三即秀矣

梁爾雅曰藁赤苗芑白苗

郭璞註曰梁也谷之良者曰梁 陶弘景曰梁即粟類惟

其芽頭色異為分別耳

廣志曰有解梁貝梁遼東赤

梁 蘇恭曰梁雖粟類細論則別黃梁出蜀漢閩浙間

穗大毛長穀米俱粗人號竹根黃白梁穀麤扁長不似  
粟圓也青梁穀穗有毛而粒微青早熟而收薄止堪作

錫耳 王禎曰赤白梁其禾莖葉似粟粒差

大其穗帶毛芒牛馬皆不食與粟同時熟

梁秫爾雅曰粟秫也

捷為舍人曰是伯夷叔齊所食首陽草也

廣志曰秫黏粟有赤有

白者有胡秫早熟及麥

說文曰秫稷之黏者案今世有黃梁穀秫桑根秫穗天培秫也

蜀秫

玄扈先生曰蜀秫古無有也後世或從他方得種其黏者近秫故借名為秫今人但指此為秫而不

知有梁秫之秫誤矣別有一種玉米或稱玉麥或稱玉蜀秫蓋亦從他方得種其曰玉米蜀秫皆借名之也

齊民要術種梁秫法曰種秫欲薄地而稀一畝用子三

升半

地良多雜尾苗概穗不成

種與植稷同時

晚者全不收也

燥濕之宜杞

勞之法一同稷苗收刈欲晚

性不零落早刈損實

又種蜀秫法曰春月種宜用下土莖高丈餘穗大如帚

其粒黑如漆如蛤眼熟時收刈成束攢而立之其子作米可食餘及牛馬又可濟荒其莖可作洗帚耜耨可以織箔編蓆夾籬共囊無有棄者亦濟世之一穀農家不可闕也

玄扈先生曰北方地不宜麥禾者乃種此尤宜下地立秋後五日雖水潦至一丈深不能壞之但立秋前水至即壞故北土築堤二三尺以禦暴水但求隄防數日即容水大至亦無害也



又曰秦中鹺地則種蜀秫下地種蜀秫特宜早須清明  
前後耩

附稗

稗爾雅曰稗笑

按稗禾之卑者最能亂苗其莖葉相似釋曰稗一名笑似稗之穢草布生於地

而稗則生下澤中故古詩曰蒲稗相因依羅願爾雅翼曰稗與稗二物也皆有米而細小故莊子曰道在稗稗言比於穀則微細而不精道亦在焉又曰若稗米之在太倉亦言小也玄扈先生曰稗亦有多種水曰稗

早曰稗水旱皆有植有稗

玄扈先生疏曰稗多收能水旱可救儉孟子言五穀不

熟不如莧稗淮南所謂小利者皆以此且稗稗一畝可當稻稗二畝其價亦當米一石宜擇嘉種于下田藝之歲歲無絕倘遇災年便得廣植勝於流移捃拾不其遠矣

又曰北土最下地極苦澇土人多種蜀秫數歲而一收因之困敝余教之多菽麥當不懼澇澇必於伏秋間弗及麥也澇後能疏水及秋而涸則菽秋麥不能疏水及冬而涸則菽春麥近河近海可引潮者即旱後又引秋

潮灌之令沙淤地澤亦隨時蒔春秋麥此法可令十歲九稔若收麥後隨意種雜糧則聽命於水旱可也凡春麥皆宜雜旱稗耩之刈麥後長稗即歲再熟矣稗既能水旱又下地不遇異常客水必收亦十歲可致七八稔也

又曰下田種稗遇水澇不滅頂不壞滅頂不踰時不壞春種者先秋而熟可不及於澇或夏澇及秋而水退或夏旱秋初得雨速種之秋末亦收故宜歲歲留種待焉

汜勝之書曰稗既堪水旱種無不熟之時又特滋茂盛  
易生蕪穢良田畝得二三十斛宜種之備凶年稗中有  
米熟擣取米炊食之不減粟米又可釀作酒

酒甚美釀尤踰黍秫

魏武使典農種之頃收二千斛斛得米三四斗大儉可磨食也若值豐年可飯牛馬猪羊

羅願爾雅翼曰草之似穀可以養人者甚多博物志稱  
篩草實生海洲上食之如大麥從七月熟民斂至冬乃  
訖或曰禹餘糧言禹治水棄其餘糧化而為此本草稱  
東廬

子虛賦云東廬張揖曰實可食

生河西苗似蓬子似葵可為飯河

西人語曰貸我東廬償爾田梁又苽米可為飯生水田  
中苗子似小麥而小四月熟久食不飢爾雅所謂皇守  
田者也又有蒯草子亦堪食如杭米又蓬草子作飯無  
異杭米儉年食之此皆五穀之外可以接糧者故附著  
之

玄扈先生疏曰荒儉之歲於春夏月人多采掇木萌草  
葉聊足充飢獨三冬春首最為窮苦所恃木皮草根實  
耳余所經嘗者木皮獨榆可食枯木葉獨槐可食且嘉

味在下地則燕菹鐵苧薺皆甘可食在水中則藕菰米  
在山間則黃精山茨姑蕨芋薯蓣之屬尤衆草實則野  
稗黃藟蓬蒿蒼耳皆穀類也又南北山中橡實甚多可  
淘粉食能厚腸胃令人肥健不飢凡此諸物并救荒本  
草所載擇其勝者於荒山大澤曠野皆宜預種之以備  
飢年

農政全書卷二十五

欽定四庫全書

農政全書卷二十六

明 徐光啓 撰

樹藝

穀部下

大豆爾雅曰戎菽謂之荏菽

孫炎注曰戎菽大豆菽也廣雅曰大豆菽也有黃落豆

有御豆其豆角長有場豆葉可食有青有黃者今世大豆有黑白二種及長稍牛踐之名又有黑高麗豆鶩豆  
餅豆大豆類也 豆角曰莢葉曰藿莖曰莢  
曰有綠褐黑三種 呂覽春秋曰得時之豆長莖短足

其莢二七為族多枝數節大菽則圓小菽則圜先時者必長蔓浮葉疎節小莢不實後時者必短莖疎節本虛

不實

雜陰

陽書曰

大豆生

于

槐九十日秀秀後七十日熟

崔寔曰正月可種鰥豆二月可種大豆又曰二月昏參  
夕杏花盛桑椹亦可種大豆謂之上時四月時雨降可  
種大小豆美田欲稀薄田欲稠

孝經援神契曰赤土宜豆也

齊民要術曰春種大豆次植穀之後二月中旬為上時

一畝用  
子八升

三月上旬為中時

一畝用  
子一斗

四月上旬為下時

一畝



用子一歲宜晚者五六月亦得然稍晚稍加種子地不

斗二升

秋鋒之地即稿種地過熟者苗茂而實少

收刈欲晚

此不零落刈早損實

必須耬

求熟

種欲深故豆性強苗深則及澤

鋒耩各一鋤不過再葉落盡然後刈

下葉不盡刈訖則速耕

大豆性溫秋不耕則無澤

種芟者用麥底一畝

用子三升先漫散訖犁細淺時而勞之

旱則糞堅葉落稀則苗莖不高

深則土厚不生

若澤多者先深耕訖逆堡擲豆然後勞之

澤少則否

為其氾鬱不生

九月中候近地葉有黃落者速刈之

葉少不黃必氾鬱刈

不速逢風則葉落盡遇雨則葉爛不成

汜勝之曰大豆保歲易為宜古之所以備凶年也謹計家口數種大豆率人五畝此田之本也三月榆莢時有雨高田可種大豆土和無塊畝五升土不和則益之種大豆夏至後二十日尚可種戴甲而生不用深耕大豆須均而稀豆花憎見日見日則黃爛而根焦也獲豆之法莢黑而莖蒼輒收無疑其實將落反失之故曰豆熟於場於場獲豆即青莢在上黑莢在下又區種大豆法坎方深各六寸相去二尺一畝得千六百八十坎其坎

成取美糞一升合坎中土攪和以內坎中臨種沃之坎

三升水坎內豆三粒覆上土勿厚以掌抑之令種與土

相親

玄扈先生曰凡種宜然故用足踐用砣也

一畝用種一升用糞十六石

八斗豆生五六葉鋤之旱者溉之坎三升水丁夫一人

可治五畝至秋收一畝十六石種之上土纔令蔽豆耳

王禎曰大豆當及時鋤治上土使之葉蔽下根庶不畏

旱大豆之黑者食而充饑可備凶年豐年可供牛馬料

食黃豆可作豆腐可作醬料白豆粥飯皆可拌食白黑

黃三豆色異而用別皆濟世之穀也

種大豆鋤成行壟畚穴下種早者二月種四月可食名曰梅豆皆三四月種地不宜肥有草則削去種黑豆三四月間種其豆亦可作醬及馬料

俞貞木種樹書曰種諸豆及麻若不及時去草必為草所蠹耗雖結實亦不多諺云麻耘地豆耘花麻須初生時耘豆雖開花亦可耘

小豆廣雅曰小豆荅也

賈思勰曰小豆有萊赤白三種  
蠶豆豌豆豇豆留豆亦其

類也小豆花曰腐婢 雜陰陽書曰小  
豆生于李六十日秀秀後六十日成

齊民要術曰種小豆大率用麥底然恐小晚有地者常

須兼留去歲穀下以擬之夏至後十日種者為上時一畝

用子八升初伏斷手為中時一畝用子一斗中伏斷手為下時一畝用子

二升中伏以後則晚矣熟耕耬下以為良澤多者耬耩

漫擲而勞之如種麻法未生白背勞之極怪漫擲犁時次之耨種

為下鋒而不耩鋤不過再葉落盡則刈之葉未盡者難治而易濕也

豆角三青兩黃拔而倒豎籠從之生者均熟不畏嚴霜

從本至末全無秕減乃勝刈者牛力若少得待春耕亦得摘種凡大小豆生既布葉皆得用鐵齒鋤耨從橫耙而勞之

汜勝之曰小豆不保歲難得堪黑時注兩種畝一升豆生布葉鋤之生五六葉又鋤之大豆小豆不可盡治也古所不盡治者豆生布葉豆有膏盡治之則傷膏傷則不成而民盡治故其收耗折也故曰豆不可盡治養美田畝可十石以薄田尚可畝取五石

諺曰與他作豆田斯言良美可惜也

菜豆

菜豆本作綠以其色名也粒大而色鮮者為官綠皮薄粉多粒細而色深者為油綠皮厚粉少早種

者呼為摘綠遲種呼為拔綠以水浸濕生白芽為菜中佳品

王禎農桑通訣曰北方惟用菜豆最多農家種之亦廣人俱作豆粥豆飯或作餌為炙或磨而為粉或作麵材其味甘而不熱頗解藥毒乃濟世之良穀也南方亦間種之

俞貞木種樹書曰種菜豆地宜瘦四月種六月收子再種八月又收中作粉豆芽菜揀菜豆水浸二宿候漲以

新水淘控乾用蘆席灑濕襯地摻豆於上以濕草薦覆之其芽自長大豆芽同此

赤豆

小而色赤心之穀也或云共工氏有不才子以冬至死為疫鬼而畏赤豆故於是日作粥以厭之

齊民要術曰大赤豆三月種六月旋摘遲者四月種亦

可宜稀稠得所太密不實

玄扈先生曰有一種米赤最能殺草

蠶豆

王禎謂其蠶時始熟故名李時珍曰莢狀如蠶亦通張騫使外國得胡豆種歸即此南土多種之

蜀人收其子以備荒歉

王禎農書曰蠶豆百谷之中最為先登蒸煮皆便可食



是用接新代飯充飽今山西人用豆多麥少磨麪可作餅餌而食

玄扈先生曰蠶豆種花田中冬天不拔花結用以拒霜至清明後拔之

又曰蠶豆八月初種臘月宜厚壅之此種極救農家之急且蝗所不食

豌豆

遼志作回鶻國豆唐史作畢豆崔寔作蟬豆即青斑豆也田野間禾中往往有之俗名小寒者是也

務本新書曰豌豆二三月種諸豆之中豌豆最為耐陳

又收多熟早如近城郭摘豆角賣先可變物舊時莊農  
往往獻送此豆以為嘗新葢一歲之中貴其先也又熟  
時少有人馬傷踐以此校之甚宜多種

玄扈先生曰豌豆與蠶豆各種蠶豆之利倍于豌豆一  
其耐陳則一也

豇豆一名降澣莢必雙生紅色居多故名李時珍曰開  
花結莢必兩兩並垂有習坎之義其子微曲如腎

形所謂豆為腎  
穀宜以此當之

穀雨後種六月收子收來便種再生八月又收子一年

兩熟

稿豆

古名蛾眉俗名沿籬有黑白二種黑者名烏豆其莢狀凡十餘色嫩時可充蔬食茶料老則收子煮

食白者食入藥品

清明日下種以灰蓋之不宜土覆苗長分栽搭棚引上

玄扈先生曰以口向上種粒粒出若扁種十不出一蓋豆瓣重頂土不起故爛耳

刀豆

酉陽雜俎云樂浪有挾劔豆即此三月下種蔓生

清明時鋤地作穴每穴下種一粒以灰蓋之只用水澆待芽出則澆以糞水蔓長搭棚引上

黎豆

古名狸豆又名虎豆其子有點如虎狸之斑故名爾雅所謂攝虎鼎三月下種蔓生江南多炒食之

麥爾雅曰大麥麪小麥稊

廣志曰虜水麥其實大麥形有縫稅麥似大麥出涼州旋

麥三月種八月熟出西方赤小麥赤而肥出鄭縣語曰湖猪肉鄭稀熟山提小麥至粘弱以貢御有半夏小麥有禿芒大麥有黑積麥陶隱居本草云大麥為五穀長即令稊麥也一名麪麥似穰麥唯無皮耳穰麥此是令馬食者然則大穰二麥種別名異而世人以為一物謬矣按世有落麥者禿芒是也又有春種之穰麥也玄扈先生曰今人皆指穰為大麥又有雀麥即燕麥也穗細長子亦小去皮作麪可救饑蕎麥一作莠麥又作烏麥烈日曝令開口去皮取米作飯蒸食之鄭玄曰麥者接絕續乏之穀尤宜種之許慎曰麥芒穀秋種厚埋故謂之麥麥金王而生火王而死蘇頌曰大小麥秋種冬長春秀夏熟具四時之氣為五穀之貴

雜陰陽書曰大麥生于杏二百日  
秀秀後五十日成蟲食杏麥價貴

尚書大傳曰秋昏虛星中可以種麥

虛北方玄武之宿  
八月昏中見于南

方

崔寔曰凡種大小麥得白露節可種薄田秋分種中田  
後十日種美田惟穰早晚無常正月可種蕎麥盡二月  
止

汜勝之書曰凡田有六道麥為首種種麥得時無不善  
夏至後七十日可種宿麥早種則蟲而有節晚種則穗

小而少實當種麥若天旱無雨澤則薄漬麥種以酢漿并蠶矢夜半漬向晨速投之令與白露俱下酢漿令麥耐旱蠶矢令麥忍寒麥生黃色傷于太稠稠者鋤而稀之秋鋤以棘柴耬之以壅麥根故諺曰子欲富黃金覆黃金覆者謂秋鋤麥曳柴壅麥根也至春凍解棘柴曳之突絕其乾葉須麥生復鋤之到榆莢時注雨止候土白背復鋤如此則收必倍冬雨雪止以物輒藺麥上掩其雪勿令從風飛去後雪復如此則麥耐旱多實春凍

解耕如土種旋麥麥生根茂盛莽鋤如宿麥

玄扈先生曰春無注

雨冬無雪並宜車水灌之

區種麥法凡種一畝用子二升覆土厚二寸以足踐之令種土相親麥生根成鋤區間秋草緣以棘柴律土壅麥根秋旱則以桑落燒澆之秋雨澤適勿澆之麥凍解棘柴律之突絕去其枯葉區間草生鋤之大男大女治十畝至五月收區一畝得百石以上十畝得千石以上

玄扈先生曰北土多苦春旱區種者尤便灌水令作畦種法其便宜倍勝區也

齊民要術曰大小麥皆須五月六月曠地

不曠地而種其收倍薄

寔曰五月一日舊麥田也

種大小麥先時逐犁掩種者佳

再倍省種子而科大

逐犁墾之亦得然不如作掩耐旱

其山田及剛強之地則耨下之

其種子宜

如五省于下田

凡耨種者匪直土淺易生然于鋒鋤亦便穰麥

非良地則不須種

薄地徒勞種而必不收凡種穰麥高下田皆得用但必須良熟耳高田借

擬禾豆自可專用下田也

八月中戊社前種者為上時

擲者畝用子二升半

戊前為中時

用子三升

八月末九月初為下時

用子三升半或四升小

麥宜下種

歌曰高田種小麥穰麥不成穗男兒在他鄉那得不憔悴玄扈先生曰北方有水處即高



地種之亦可灌也南上下地種之又畏濕八月上戌社前為上時擲者用子一升半

中戌前為中時

用子二升

下戌前為下時

用子二升半

正月二月

勞而鋤之三月四月鋒而更鋤

鋤麥倍收皮薄麴多而鋒勞各得再遍為良也

今立秋前治訖

立秋後則蟲生

蒿艾簞盛之良

以蒿艾閉窖埋之亦佳窖麥法

必須日曝令乾及熱埋之

多種久居供食者宜作餽麥倒刈薄布順

風放火既着即以掃帚撲滅仍打之

如此者夏蟲不生然惟中作麥

飯及麴用耳

士農必用曰古農語云彭祖壽年八百不可忘了植蠶

種麥又云社後種麥爭回耬又云社後種麥爭回牛言  
奪時之急如此之甚也

玄扈先生曰蠶早麥田亦早麥  
田早秋田亦早桑須趨趁梅前

兼免致  
雨損

韓氏直說曰五六月麥熟帶青收一半合熟收一半若

過熟則拋費每日至晚即便載麥上場堆積用芒繳覆

以防雨作

苦須於雨前  
農隙時備下

如般載不及即於地內苦積天

晴乘夜載上場即攤一二車薄則易乾碾過一遍翻過

又一遍起耜下場揚子收起雖未淨直待所收麥都碾

盡然後將未淨耜耨再碾如此可一日一場比至麥收

盡已碾訖三之二農家忙併無似蠶麥古語云收麥如

救火

玄扈先生曰梅  
天雨更多故

若少遲慢一值陰雨即為災傷遷

延過時秋苗亦誤鋤治

俞貞木種樹書曰麥苗盛時須使人縱牧於其間令稍

實則其收倍多麥屬陽故宜乾原稻屬陰故宜水澤

誘云

冬無雪麥不結玄扈先生曰雪可小麥不過冬大麥不過  
必乎秋冬宜灌水令保澤可也

年種麥之法土欲細溝欲深耙欲輕撒欲勻

王禎農書曰麥種初收時旋打旋揚與蠶沙相和辟蟲傷資地力苗又耐旱凡種須用耬犁下之又用砣車碾過日種數畝蓋成壟易于鋤治又有漫種一法農人左手挾器盛種右手握而勻擲于地既遍則用耙勞覆之又頗省力此北方種麥之法南方惟用撮種故用種不多然糞而鋤之人工既到所收亦厚北方芟麥用鈐綽腰籠一人日可收麥數畝南方收麥鎌割手秉所種麥少故也若力省而功倍當以北方為法

種大麥早稻收割畢將田鋤成行壟令四畔溝洫通水下種以灰糞蓋之諺云無灰不種麥須灰糞均調為上

玄扈先生曰大麥最能藏久可以多積

種小麥須揀去雀麥草子簸去秕粒在九十月種種法與大麥同若太遲恐寒鴉至被食之則稀出少收

齊民要術曰種青稞麥

治打時稍難惟伏日用碌礮碾

右每十畝用種

八斗與大麥同時熟好收四十石石八九斗麩堪作麪

及餅飪甚美磨總盡無麩

鋤一遍佳不鋤亦得

齊民要術曰種瞿麥以伏為時

一名地麩良地一畝用子五升薄田三四升

畝收十石渾烝曝乾舂去皮米全不碎炊作飧甚滑細磨下絹篩作餅亦滑美然為性多穢一種此物數年不絕耘鋤之功更益劬勞

齊民要術曰種蕎麥五月耕經二十五日草爛得轉并種耕三遍立秋前後皆十日內種之假如耕地三遍即三重著子下兩重子黑上一重子白皆是白汁滿似如濃即須收刈之但對稍荅鋪之其白者日漸盡變為黑

如此乃為得所若待上頭總黑半已下黑子盡落矣  
王禎農書曰蕎麥立秋前後漫撒種即以灰糞蓋之稠  
密則結實多稀則結實少若種遲恐花經霜不結子

蕎麥赤莖烏粒種之則易為工力收之則不妨農時晚

熟故也霜降收則恐其子粒焦落乃用推鎌穫之

推鎌見農

器圖譜

北方山後諸郡多種治去皮殼磨而為麪焦作煎

餅配蒜而食或作湯餅謂之河漏滑細如粉亞于麪麥  
風俗所尚供為常食然中土南方農家亦種但晚收磨

食搜作餅餌以補麪食飽而有力實農家居冬之日餌也

四時類要曰曬大小麥今年收者於六月掃庭除候地毒熱衆手出麥薄攤取蒼耳碎剉拌曬之至未時及熱收可以二年不蛀若有陳亦須依此法更曬須在立秋前秋後則已有蟲生又藏麥三伏日曬極乾帶熱收先以稻草灰鋪缸底復以灰蓋之不蛀

玄扈先生曰耕種麥地俱須晴天若雨中耕種令土堅



塔麥不易長明年秋種亦不易長南方種大小麥最忌  
水濕每人一日只令鋤六分要極細作壟如龜背小麥  
早種每畝種七升晚種九升大麥早種種一斗晚種一  
斗二升麥溝口種之蠶豆豆亦忌水畏寒臘月宜用灰  
糞蓋之冬月宜清理麥溝令深直瀉水即春雨易洩不  
浸麥根理溝時一人先運鋤將溝中土耙壟鬆細一人  
隨後持鋤土勻布畦上溝泥既肥麥根益深矣

胡麻廣雅曰胡麻一名藤弘

即俗名脂麻也作芝麻者  
非一名巨勝以其角巨如

方勝也一名方莖以莖名一名狗虱以形名脂麻名油  
麻以其多油也葉名青蒙莖名麻蕪亦作麻楷中國止  
有大麻自漢使張騫于大宛得其種故名胡麻所以別  
于大麻也有遲早二種黑白赤三色俗傳胡麻須夫婦  
同種即茂盛久服之可以休糧賈思勰曰俗人呼為  
烏麻者非也今世有白胡麻八稜胡麻白者油多本  
草註云角作八稜者為巨勝四稜  
者為胡麻皆以烏者良白者劣

崔寔曰二月三月四月五月時雨降可種之

齊民要術曰胡麻宜白地種二三月為上時四月上旬

為中時五月上旬為下時月半前種者實多而成月種  
半後種者少子而多稗也

欲截雨脚若不緣濕則不生一畝用子二升漫種者先以耬耩

然後散子空曳勞

勞上加人則土厚不生

耨耩者炒沙令燥中和

半之

不和沙下不均攪種若荒得用鋒耩

鋤不過三遍刈束欲小

束大則難燥打

手復不勝

以五六為一叢斜倚之

不爾則風吹倒損收也

候口開乘車

詣田斗藪

倒豎以小杖微打之

還叢之三日一打四五遍乃盡耳

若乘濕橫積蒸熱速乾雖曰鬱裏無風吹虧損之慮泥者不中為種子然于油無損也


王禎農書曰麻胡地所出者皆肥大其紋鵲其色紫黑

取油亦多可以煎烹可以然點又可以為飯

四時類要曰種胡麻每科相去一尺為法

李時珍曰按服食家有種青蘘法云秋間取胡麻子種畦中如生菜之法候苗出采食滑美如葵

玄扈先生曰胡麻油查可壅田



農政全書卷二十六

# 欽定四庫全書

子部

農政全書卷二十七

詳校官中書臣寶汝翼

編修臣倉聖脈覆勘

總校官進士臣朱 鈐

校對官中書臣高 中

謄錄監生臣施 華

欽定四庫全書

農政全書卷二十七

明 徐光啓 撰

樹藝

菰部

瓜爾雅曰𦵏𦵏

以其綿綿而生也

廣雅曰土芝瓜也

在木曰果在地曰菰

大曰瓜小曰𦵏其子曰𦵏其肉曰𦵏

廣志曰瓜之所出以遠

東廬江燉煙之種為美瓜州大瓜大如斛陽城御瓜大如三升魁者名香登長二尺餘者名桂枝蜀地溫食瓜

至冬熟春白瓜正月種二月成林泉瓜秋種十月熟  
許慎說文曰紫小瓜瓠也陸機瓜賦曰枯樓定桃黃

瓠白傳金釵蜜蒲小春大班玄胥素腕狸首虎踏東陵  
出于秦谷桂髓起于巫山皆瓜名也張孟陽瓜賦曰

羊骹累錯瓠子市江又有烏瓜縑瓜龍肝虎掌兔頭  
羊髓瓠瓠六瓠女臂狄無餘之屬王禎農桑通訣曰

甘肅有瓠瓜大如頭枕其肉甚甘割其皮暴之柔韌  
之中土以為贈送甘而有味又浙中有陰瓜宜于陰

地種之秋熟冬藏至春食之如新王禎曰瓜之為種  
不一而其用有二供果為果瓜甜瓜西瓜是也供菜為

菜瓜胡瓜越瓜是也禮記天子削瓜及瓜祭皆指果瓜  
也永嘉記曰永嘉裏瓜八月熟李時珍曰即寒瓜也

齊民要術曰收瓜子法常歲歲先取本母子瓜截去兩

頭止取中央子本母子者瓜生數葉便結子子復早熟  
用中輩瓜子蔓長二三尺然後結子用

後輩子者蔓長足然後結子子亦晚熟種早子熟速而瓜小種晚子熟遲而瓜大去兩頭者近蒂子瓜曲而細近頭子瓜短而喎凡瓜落疏青黑者為美黃白及斑雖大而惡若種苦瓜子雖爛熟氣香其味猶苦也

又收瓜子法食瓜時美者收即以細糠拌之日曝向燥拔而簸之淨而且速也

良田小豆底佳黍底次之刈訖即耕頻頻轉之二月上旬種者為上時三月上旬為中時四月上旬為下時五

月六月上旬可種藏瓜

玄扈先生曰秋瓜小實中堅故中藏

凡下種先以

水淨淘瓜子以鹽和之

鹽和則不能死

先卧鋤耨却燥土

不耨者坑



雖深大常雜燥土故瓜不生

然後培坑大如斗口納瓜子四枚大豆

三個於堆旁向陽中

諺曰種瓜黃臺頭

瓜生數葉摘去豆

瓜悞弱苗

不能獨生故須大豆為之起土瓜生不去豆則豆反扇瓜不得滋茂但豆斷汁出更成良潤勿拔之拔之則土也 虛燥 多鋤則饒子不鋤則無實 五穀蔬菜果蓏之屬皆如此也 五六月

種晚瓜

治瓜籠法

但起霧未解以杖舉瓜蔓散灰於根下後一兩日復以土培其根則迴無蟲矣

又種法於良地中先種晚禾

晚禾令地膩

熟鋤刈取穗欲令

發長秋耕之耕法弭縛犁耳起規逆耕耳弭則禾拔頭

出而不沒矣至春後復順耕亦弭縛犁耳翻之還令草  
頭出耕訖勞之令甚平種植穀時種之種法使行陣直  
兩行微相近兩行外相遠中間通步道道外還兩行相  
近如是作次第經四小道通一車道凡一頃地中須開  
十字大巷通兩乘車來去運輦其瓜都聚在十字巷中  
瓜生比至初花必須三四遍熟鋤勿令有草生草生脇  
瓜無子鋤法皆起禾莠令直豎其瓜蔓本底皆令上下  
四廂高微雨時得停水瓜引蔓皆沿莠上莠多則瓜多

爰少則瓜少爰多則不廣蔓廣則岐多岐多則饒子其  
瓜會是岐頭而生蔓岐而花者皆是浪花終無瓜矣故  
令蔓生於爰上瓜懸在下

區種瓜法六月雨後種菜豆八月中犁掩殺之十月又  
一轉即十月終種瓜率兩步為一區坑大如盆口深五  
寸以土壅其畔如菜畦形坑底必令平正以足踏之令  
其保澤以瓜子大豆各十枚遍布坑中

瓜中大豆兩物  
為雙藉其起土

也故以糞五升覆之

亦令均平

又以土一斗薄散糞上復以足

微躡之冬十月大雪時速併力推雪于坑上為大堆至

春草生瓜亦生莖葉肥茂異于常者且常有潤澤旱亦

無害五月瓜便熟

其插豆鋤瓜之法與常同若瓜子盡生則大槩插出之一區四根即足矣

又法冬天以瓜子數枚內熟牛糞中凍即拾聚置之陰

地

量地多少以足為限

正月地釋即耕逐場布之率方一步下一

斗糞耕土覆之肥茂早熟雖不及區種亦勝凡瓜遠矣

凡生糞糞地無勢多有蟻者以牛羊骨帶髓者置瓜科于熟糞令地小荒矣

左右待蟻附將棄之棄二三次則無蟻矣

汜勝之曰區種瓜一畝為二十四科區方圓三尺深五寸一科用一石糞糞與土合和令相半以三斗瓦甕埋著科中央令甕口上與地平盛水甕中令滿種瓜甕四面各一子以瓦蓋甕口水或減輒增常令水滿種常以冬至後九十日百日種之又種瓠十根令週迴甕居瓜子外至五月瓜熟瓠可拔賣之與瓜相避又可種小豆于瓜中畝四五升其藿可賣此法宜平地瓜收畝萬錢摘瓜法在步道上引手而取勿令浪人踏瓜蔓及翻覆

之踏則莖破翻則成細皆若無爰而種瓜者地雖美好

正得長苗直引無多槃岐故瓜少子若無爰處豎乾柴

亦得

凡乾柴草不妨滋茂

凡瓜所以早爛者皆由脚躡及摘時不

慎翻動其蔓故也若以理慎護及至霜下葉乾子乃盡

矣

但依此法則不必別種早晚及中三輩之瓜

黃瓜一名胡瓜白瓜即越瓜也又名冬瓜

以其至冬而熟也廣志

謂之蔬茹神仙本草謂之土芝

齊民要術曰種越瓜胡瓜法四月中種之

胡瓜宜豎柴木令其蔓緣

之收越瓜欲飽霜

霜不飽則爛

收胡瓜候色黃則摘

若待色赤則皮

存而肉消並如凡瓜於香醬中藏之亦佳

玄扈先生曰甜瓜生者以燐骨刺頂

上易熟

種法傍牆陰地作區圓二尺深五寸以熟糞及土相和

正月晦日種

二月三月亦得

既生以柴木倚牆令其緣上旱則

澆之八月斷其稍減其實一本但存六枚

多留則不成也

十月

霜足收之

早收則爛

削去皮子於芥子醬中或美豆醬中藏

之佳

便民圖纂曰種冬瓜法先將濕稻草灰拌和細泥鋪地上鋤成行隴二月下種每粒離寸許以濕灰篩蓋河水灑之又用糞澆蓋乾則澆水待芽頂灰于日中將灰揭下搓碎壅于根旁以清糞澆之三月下旬治畦鋤穴每穴栽四科離四尺許澆灌糞水須濃凡瓜種法俱同王禎曰冬瓜初生正青綠經霜則白如塗粉其中肉及子俱白故謂之白瓜荆楚歲時記曰七月採瓜犀以為面脂本草圖經曰犀瓣也瓢亦堪作澡豆夫瓜種最多



獨此瓜耐久經霜乃熟藏可彌年不壞今人亦用為蜜餞其犀用為茶果則兼蔬果之用矣

冬瓜越瓜十月區種冬則推雪著區上為堆潤澤肥好乃勝春種種常瓜宜陽地暖則易長杜詩所謂陽坡可種瓜者是也

玄扈先生曰每分栽相去三尺許

王瓜月令四月王瓜生

廣義曰莠莢也謂之瓜者以其根似之也

種王瓜法二月初撒種長寸許鋤穴分栽一穴栽一科每日早以清糞水澆之早則早晚皆澆待蔓長用竹引

上作棚

絲瓜即縑瓜也嫩小者可食老則成絲可洗器滌膩種

法與前同

西瓜種出西域故名

玄扈先生曰按五代鄧陽令胡嶠臨回紇歸得瓜種以牛糞種之結

實如斗大味甚甘美名曰西瓜楊用修以西瓜晚出疑文選淳甘瓜于清泉蓋指王瓜不知王瓜非甘瓜也當作黃瓜

農桑通訣曰種西瓜法區行差稀多種者堡頭上漫擲  
勞平苗出之後根下攤作土盆欲瓜大者步留一科科

止留一瓜餘蔓花皆掐去則實大如三斗栲栳矣味寒  
解酒毒其子曝乾取仁淪茶亦得清明時於肥地掘坑  
納瓜子四粒待芽出移栽栽宜稀澆宜頻蔓短時作綿  
兜每朝取螢恐其食蔓待茂盛則不必

博聞錄曰種花藥最忌麝瓜尤忌之賸栽數株蒜薤遇  
麝不損

魚龍河圖曰瓜有兩鼻者殺人

養生書曰瓜之兩商者殺人

玄扈先生曰商音滴木根  
果蒂瓜當飽鼻皆曰商也

茄本草曰茄一名落蘇

五代貽于錄作酪酥蓋以其味相似也

以此名落蘇不知何自農桑通訣曰隋煬帝改茄子為崑崙瓜一種出自暹羅國者其色微紫蒂長味甘今之紫茄黃山谷所謂紫膨脬者是也又有青茄白茄白者為勝亦名銀茄有一種白者謂之渤海茄又一種白花青色稍匾一種白而匾者皆謂之番茄甘脆不澁生熟可食又一種水茄其形稍長甘而多水可以止渴此數種中土頗多南方罕得亦宜種之種茄二十科糞壅得所可供一人食張浮林頌云身累百贅頸附千瘤採之不勤茹之頗柔茄視他菜為最耐久供膳之餘糟丘豉腊無不宜者須廣種之

齊民要術種茄法九月熟時摘取擘破水淘子取沈者

速曝乾裏置

玄扈先生曰累須布囊

至二月畦種

治畦下水一如葵法性宜水常

欽定四庫全書

農政全書  
卷二十七

取潤澤

著四五葉雨時合泥移栽之

若旱無雨澆水令澆澤夜栽之白日以席

蓋勿令見日

十月種者如區種瓜法推雪著區中則不須栽

其春種不作畦直如種凡瓜法者亦得唯須曉夜數澆耳

農桑通訣曰凡栽根株宜築實不實則死區中不宜有浮土恐雨泥污葉則萎而難茂栽時得晴為宜早晚澆灌之

務本新書曰茄初開花斟酌窠數削去枝葉再長晚茄

秋深老茄煮軟水浸去皮以鹽拌勻冬月食用旋添麻合為上

便民圖纂曰茄二月治畦與冬瓜同種則漫撒長寸許三月移栽栽宜稀澆以糞水宜頻每科于根上加少硫黃其實大且甘

天茄清明時撒于肥地蔓長則引上

俞貞木種樹書曰種茄子時初見根處擘開搗硫黃一星以泥培之結子倍多其大如盞味甘而益人

瓠爾雅曰瓠棲辨衛詩曰匏有苦葉

毛匏謂之瓠

幽風曰八

月斷壺小雅曰幡幡瓠葉

詩義疏云瓠葉少時可以為羹又可淹煮極美故云采之

烹之河東及播州常食之八月中堅強不可食故云苦葉說文曰瓠一名曰壺皆匏屬也陸農師曰頭短大

腹曰瓠細而合上曰匏似匏而肥圓者壺然有甘苦二種甘者供食苦者充器詩註云不才于大惟供濟而

已蓋以作壺濟水也王禎曰其為物也蔓生而齒辨夏熟而秋枯本草云味甘冷無毒利水道止消渴惟

苦者有毒不宜食廣志曰有都瓠子如牛角長四尺有餘又有約瓠其腹甚細緣蒂為口出雍縣朱崖有千

葉瓠其大者受斛餘郭子曰東吳有長柄口接釋名曰瓠畜皮瓠以為脯蓄積以待冬月用也淮南萬畢術曰

燒穰殺瓠物自然也一名曄姑俗曰葫蘆農桑撮要曰懸瓠可以為笙曲沃者尤善秋乃可用漆其裡

匏苦瓠甘酌酒冬盛則暖夏盛則寒王禎曰匏之為物纍然而生食之無窮種得其法其實碩大小之為瓠杓大之為盆益其濟用溥矣玄扈先生曰甘者瓠苦者匏詩曰甘瓠纍之匏有苦葉壺卽瓠也

千金月令云冬至日取葫蘆盛蔥根莖汁埋于庭中夏至發開盡為水以漬金玉銀石青各三分自銷暴乾如飴可休糧久服名曰金夜漿

汜勝之書曰種瓠之法以三月耕良田十畝作區方深一尺以杵築之令可居澤相去一步區種四實蠶矢一斗與土糞合澆之水二升所乾處復澆之著三實以馬



筮設其心勿令蔓延多實實細以藁薦其下無令親土多瘡癰度可作瓢以手摩其實從蒂至底去其毛不復長且厚八月微霜下收取掘地深一丈薦以藁四邊各厚一尺以實置孔中令底下向瓢一行覆上土厚二尺二十日出黃色好破以為瓢其中白膚以養猪致肥其辦以作燭致明一本三實一區十二實一畝得二千八百八十實十畝凡得五萬七千六百瓢瓢直十錢并直五十七萬六千文用蠶矢二百石牛耕功力直二萬六

千丈餘有五十五萬肥猪明燭利在其外

又曰區種瓠法收種子須大者若先受一斗者得收一石受一石者得收十石先掘地作坑方圓深各三尺用

蠶沙與土相和令中半

若無蠶沙生牛糞亦得

著坑中足躡令堅

以水沃之候水盡即下瓠子十顆復以前糞覆之既生長二尺餘便總聚十莖一處以布纏之五寸許復用泥泥之不過數日纏處便合為一莖留强者餘悉搗去引蔓結子子外之條亦搗去之勿令蔓延留子法初生二

三子不佳去之取第四五六區留二子即足旱時須澆之坑畔周匝小渠子深四五寸以水停之令其遙潤不得坑中下水

玄扈先生曰不論草木本凡根株大者俱宜遙肥遙潤

崔寔曰正月可種瓠六月可蓄瓠八月可斷瓠作菹瓠家政法曰二月可種瓜

農桑通訣曰凡種瓠如瓜法蔓長則作架引之

四時類要云種大葫蘆二月初掘地作坑方四五尺深亦如之實填油麻菜豆蘗及爛草等一重糞土一重草

如此四五重向上尺餘着糞土種十來顆子待生後揀取四莖肥好者每兩莖肥好者相貼着相貼處以竹刀子刮去半皮以刮處相貼用麻皮纏縛定黃泥封裹一如接樹之法待相着活後各除一頭又取所活兩莖準前刮去皮相著一如前法待活後唯留一莖四莖合為一本待著子揀取兩個周正好大者餘者旋旋除去食之如此一斗種可變為盛一石

又曰凡收種子九月黃熟時摘取擘開水淘洗去浮者

曝乾至春二月種如葵法常澆潤之旱即乾死俟着四  
五葉高可五寸許帶土移栽之

芋前漢書曰岷山之下沃野有蹲鴟

顏師古注曰芋也一名土芝齊人曰

芋蜀漢為最

說文曰芋大葉實根駭人者故謂之芋

廣雅曰渠芋其葉謂之蕝藉姑水芋也亦曰烏芋

廣志曰蜀漢既繁芋氏以為資凡十四等有君子芋大如斗魁如杆蕝有草穀芋有鋸子芋有勞巨芋有青氈

芋此四芋多子有淡善芋魁大如瓶少子葉如散蓋紺色紫莖長丈餘易熟長味芋之最善者也莖可作羹臠

肥溢得飲乃下有蔓芋緣枝生大者次二三升有難子芋色黃有百果芋魁大于繁多畝收百斛種一百畝以

養風有早芋七月熟有九面芋大而不美有象空芋大而弱使人易饑有青芋有素芋子皆不可食莖可為植

凡此諸芋皆可乾又可藏至夏食之又百子芋出葉俞縣有魁芋無旁子生永昌縣有大芋二升出范陽新鄭風土記曰博士芋蔓生根如鵝鴨卵王禎曰芋葉如荷長而不圓莖微紫乾之亦中食根白亦有紫者其大如斗食之味甘旁生子甚夥拔之則連茹而起宜蒸食亦中為羹臠東坡所謂玉糝羹者此也煮法宜先用鹽微滲之則不糝糊

汜勝之書曰種芋區方深皆三尺取豆糞內區中足踐之厚尺五寸取區上濕土與糞和之內區中糞上令厚尺二寸以水澆之足踐令保澤取五芋子皆長三尺一區收三石

又種芋法宜擇肥緩土近水處和柔糞之二月注雨可種芋率二尺下一本芋生根欲深斲其旁以緩其土旱則澆之有草鋤之不厭數多治芋如此其收常倍又列仙傳曰酒客為梁令蒸民益種芋後三年當大饑卒如其言梁民不死

案芋可以救饑饉度凶年今中國多不以此為意後生中有耳目所不聞見者

及水旱風露霜雹之災便能餓死滿道白骨交橫知而不種坐致泯滅悲夫人君者安可不督課之也哉

崔寔曰正月可種芋

家政法曰二月可種芋也

務本新書曰芋宜沙白地地宜深耕二月種為上時相  
去六七寸下一芋芋羞三月衆人來往眼目多見并聞  
刷鍋聲處多不滋屑比火炎熱苗高則旺頻鋤其旁秋  
生子葉以土壅其根芋可以救饑饉蟲蝗不能傷霜後  
收之冬月食不發病其餘月分不可多食霜後芋子上  
芋白擘下以液漿水煤過燠乾冬月炒食味勝蒲筍區  
芋區長丈餘深濶各一尺區行相間一步寬則透風滋  
屑



便民圖纂曰芋之種須揀圓長尖白者就屋南簷下掘坑以礬糠鋪底將種放下稻草蓋之至三月間取出埋肥地待苗發三四葉於五月間擇近水肥地移栽其科行與種稻同或用河泥或用灰糞爛草壅培旱則澆之有草則鋤之若種旱芋亦宜肥地

齊民要術曰芋種宜軟白沙地近水為善

芋畏旱故宜近水

區

深可三尺許區行欲寬寬則過風芋本欲深深則根大

率二尺一根漸漸加土壅之

春宜種秋宜壅

立夏種不生卯秋失壅而瘦不肥

霜降

揆其葉使收液以美其實則芋愈大而愈肥

汜勝之書云區方深各三尺下實豆其尺有五寸以糞

着其上深如其其一區種五本復以糞土上覆之

旁四本中

一本漸  
漸培之

芋成其爛皆長三尺此亦良法今之農不然但

于淺土秧子俟苗成移就區種故其利亦薄其可不知

此法夫五穀之種或豐或歉天時使然芋則繫之人力

若種藝有法培壅及時無不獲利以之度凶年濟饑饉

助穀食之不及

玄扈先生曰芋有三種一曰雞窠芋一曰香沙芋一曰  
截頭芋香沙芋味美根株小子少截頭芋根株大高可  
四五尺魁大子少惟雞窠芋魁大子多清明前十日下  
種三月中多用濃糞灌之四月細耘之種芋宜在稻田  
近牆近屋近樹之處雨露不及種稻則不秀惟芋則收  
五六月中起之壅根每科作小壅敦更澆濃糞二次七  
八月收每科并魁子可二斤二尺一本一畝得二千一  
百六十本為芋四千二百二十斤秋月禾苗未收斯續

乏之大用歟芋幹剝去皮乾之亦蔬茹中上品

備荒論曰蝗之所至凡草木葉無有遺者獨不食芋桑與水中菱芡宜廣種之

譜曰鋤芋宜晨露未乾及雨後令根旁空虛則芋大子多若日中耘則大熟熟則薦

附香芋

形如土豆味甘美

土芋

一名土豆一名黃獨蔓生葉如豆根圓如雞卵肉白皮黃可灰

汁煮食亦可蒸食又煮芋汁洗膩衣潔白如玉

蓮爾雅曰荷芙蕖其莖茄其葉葢其本密其華菡萏其

寶蓮其根藕其中葇葇中薏

邢昺註云芙蓉總名也郭璞云莖乃莖下白藕在

泥中者蓮乃房也葇乃子也薏乃心中苦薏也蓮一名水芝一名澤芝一名水旦一名水花葉圓如蓋色青翠

六月開花有數色花心有黃藥長寸餘花褪蓮房成葇在房如蜂子在窠六七月採嫩者生食至秋房枯子黑其堅如石謂之石蓮子其花隨晨昏為闔闢凡物先花後實獨此花實齊生其種有重臺並頭一品

四面酒金錦邊華山頂池產千葉蓮滇池產衣鉢蓮儋州清水池產四季蓮鵬月尤盛九疑山

有黃蓮金池有金蓮華洲人研之如泥以之彩繪煥爛無異真金南海有睡蓮晝開夜入水底次日復出

分香蓮一歲再結每實子十隻分枝蓮一名底光荷一枝四葉狀如駢蓋日照則葉底蔭根若葵之衛足

實如玄珠可以飾佩又有佛座蓮金鑲玉印蓮斗大紫蓮碧蓮金邊蓮瓣周圍一線色微黃蘇州府學前

有百子蓮及黃蓮名佳都碧臺蓮花白而瓣上恒滴一  
翠點房之上復抽綠葉似花非花百丈山有草花如  
蓮名山蓮旱蓮出終南山服之延壽茄蓮葉似蓮  
根似蘿菈味甘脆西番蓮花雅澹自春至秋花相繼  
不絕鐵線蓮花葉俱似西番花心黑如鐵線木蓮  
產白鷗山佛殿前其葉堅厚如桂夏作花狀似芙蓉每  
花拆時聲如破竹藕月生一節遇閏多一節有孔有  
絲大者如臂可作粉烝煮食補五臟實下焦與蜜同食  
令人腹臍肥不生蟲亦可休糧葉及房主破血  
胎衣不下酒煎服葉蒂味苦主安胎去滯養血

農桑通訣曰蓮子八九月中收堅黑者于瓦上磨蓮子  
頭令薄取堦土作熟泥封之如三指大長二寸使蒂頭  
平重磨處尖銳泥乾時擲於泥中重頭沈下自然周正

皮薄易生不時即出其不磨者皮既堅厚倉卒不能生也種藕法春初掘藕根接頭著魚池泥中種之當年即有蓮花蓮子可磨為飯輕身益氣令人強健藕止渴散血常食之不可池藕二月間取帶泥小藕栽池塘淺水中不宜深水待茂盛深亦不妨或糞或豆餅壅之則益盛

玄扈先生曰深池中種藕用令種盆荷法橫種炭簍內以繩放下水底三吳人用大藕于下田中種之最

盛

春分前栽則花出葉上凡種時藕壯大三節無損者順

鋪在上頭向南芽朝上用硫黃研碎紙撚簪把簷纏藕  
節一二道當年有花

管子曰五沃之土生蓮故栽宜壯土然不可多加壯糞  
反致發熱壞藕

種蓮子法用雞子一枚開一小孔去青黃將蓮子填滿  
紙糊孔三四層令雞抱之雞出取放煖處不拘時用天  
門冬末硫黃同肥泥或酒罈泥安盆底栽之仍用酒和  
水澆開花如錢



蓮子磨薄尖頭浸靛缸中明年清明所種子開青蓮花  
凡蓮畏桐油宜忌之

菱周禮曰加籩之實陵芡臚脯

也 菱陵

爾雅謂之厥攢

音

按國語屈到嗜菱菱即菱也

許氏說文曰楚謂之

菱秦謂之薢菰一名水栗一名沙角

武陵記三角四

角者為菱兩角者為菱俗呼菱角其色有青紫之殊

陶弘景曰菱實廬江間最多皆取火燔以為米充糧今

多蒸食之

蘇頌曰菱處處有之葉浮水上花黃白色

花落實生漸向水中乃熟

李時珍曰菱湖濤處則有

之菱落泥中最易生發有野菱家菱皆三月生蔓延引

葉扁而有尖光面如鏡葉下之莖有股如鰓一莖一葉

兩兩相差如蝶翅狀花背日

而生晝合宵炕隨月轉移

農桑通訣曰秋上子黑熟時收取散着池中自生  
種法重陽後收老菱角用籃盛浸河水內待二三月發  
芽隨水淺深長約三四尺許用竹一根削作火通口樣  
箝住老菱插入水底若澆糞用大竹打通節注之

王禎曰生食性冷煮熟為佳烝作粉蜜和食之尤美江  
淮及山東曝其食以為米可以當糧猶以橡為資也

李時珍曰嫩時剝食老則曝乾剝米為飯為粥為饊為果  
皆可代糧其莖亦可暴收和米作飯以度荒歉蓋澤農有

利之物也

玄扈先生曰莖之嫩者亦可為菜茹

芡本草云芡實一名雞頭

莊子名雞雍 管子名卯菱 古今注名鴈頭亦曰鴈喙

淮南子曰雞頭已癭注曰芡也 揚雄方言云南楚謂之雞頭青徐淮泗謂之芡子其莖謂之為亦曰菱

陶弘景曰莖上花似雞冠故名 蘇頌曰其苞形類雞鴈頭故云 王禎曰芡苗生水中葉大如荷皺而有刺

花開向日花下結實故菱寒而芡暖 李時珍曰可濟儉歎故謂之芡芡三月生葉面青背紫莖葉皆有刺其

莖長丈餘有孔有絲花開結苞內有斑駁肉裏子累累如珠內白米狀如魚目韓退之名芡為鴻頭山谷詩

云剖蚌煮鴻頭是也

種法秋間熟時收取老子以蒲包包之浸水中三月間撒淺水內待葉浮水面移栽深水每科離五尺許先以麻餅或豆餅拌勻河泥種時以蘆挿記根處十餘日後每科用河泥三四碗壅之

王禎曰八月採芡擘破取子散著池中自生

又曰雞頭作粉食之甚妙河北沿塘濬居人採之盡去皮搗為粉烝漂作餅可以代糧龔遂守渤海勸民秋冬益蓄菱芡蓋謂其能充饑也

又曰芡莖之嫩者名為蕰人採以為菜茹

李時珍曰秋深老時澤農廣收芡子藏至困石以備荒

歟其根狀如三菱煮食如芋

烏芋

即俗名芋臍也

爾雅曰鳧茈

鳧喜食之故曰後人訛以為芋臍音相似也

鄭樵

通志以為地栗一名黑三稜一名芍

舊名烏芋者以其形似芋而鳧燕食

之也

寇宗奭曰皮厚色黑肉硬而白者為猪芋臍皮

薄澤色淡紫肉軟而脆者為羊芋臍

李時珍曰鳧茈

生淺水田中其苗三四月出土一莖直上無枝葉其根

白蒨秋後結顆大如山查栗子而臍有聚芽累累下生

入泥底野生者黑而小食之多

淨種出者紫而大食之多毛

種法正月留種種取大而正者待芽生埋泥缸內二三月間復移水田中至茂盛于小暑前分種每科離五尺許冬至前後起之耘盡與種稻同豆餅或糞皆可壅之

玄扈先生曰破草鞋壅甚盛

李時珍曰肥田栽者麓近蔥蒲高二三尺三月下種霜後苗枯冬春掘收為果生食煮食皆良

董炳曰地栗能毀銷兼能辟蟲傳聞下蠱之家知有此物便不敢下

寇宗奭曰荒歲多採可以為糧

慈姑一名藉姑

一根歲生十二子如慈姑之乳諸子故名

一名河鳧茈一名

白地栗一名水萍苗名剪刀草又名箭搭草槎丫草

陶弘

景曰藉姑生水田中葉有極狀如澤瀉其根黃似芋而小煮之可啖蘇恭曰葉如剪刀莖似嫩蒲開小白花

莖深黃色五六月採葉正二月採根福州別有一種小異三月開花四時採根功亦相似又有山慈姑名同實異

種法預於臘月間折取嫩芽插於水田來年四五月如插秧法種之每科離尺四五許田最宜肥

陶弘景曰藉姑三月三日採根暴乾可療饑

李時珍曰慈姑三月生苗青莖中空霜後葉枯根乃練結冬及春初掘以為果須灰湯煮熟去皮不致麻澁戟咽也嫩莖亦可燂食又取汁可制粉霜雄黃

菰

即俗名茭白也

爾雅曰蘧蔬

菰也

又曰茭茭

郭璞曰江東呼藕結緒如指空中可

啖者為茭江南人呼菰為茭以其根交結也

一名蔣草一名茭筍一名菰菜

一名茭粳

韓保昇曰菰根生水田中葉如蔗荻久則根盤而厚三年者中心生白莖如小兒臂中有

黑脈堪啖者名菰首也 陳藏器曰菰首擘之內有黑灰如墨者名烏鬱人亦食之 晉張翰思蓴菰即此也



蘇頌曰芡白生熟皆可啖其中心小兒臂者名菰手作菰首者謬其根亦如蘆根二浙下澤處最多彼人謂之菰荊削去其葉便可耕蒔又有一種中有一粒可食所謂菰米者是也

種法宜水邊深栽逐年移動則心不黑多用河泥壅根則色白

李時珍曰荊田其苗有莖硬者謂之菰歲饑掘以當糧寇宗奭曰菰根江湖陂澤中皆有之生水田中葉如蒲葦刈以秣馬甚肥

山藥山海經曰其草多諸蓴

音同薯蕷 本草衍義曰薯蓣英廟諱蕷犯唐代宗

名故改為山藥 吳氏本草曰薯蕷一名藟薯齊趙名山芋一名修脆一名兒草一名土藟一名玉延或生臨朐鍾山始生赤莖細蔓五月華白七月實青黃八月熟落根種曰皮黃類芋 異苑曰薯蕷若欲掘取嘿然則獲唱名便不可得人有植之者隨所種之物而像之也玄扈先生曰山藥出處見山海經凡四本草復云出嵩山北京四明東山南江永康滁州眉州大率處處有之今齊魯之間尤多有二種其一黃山藥形圓長細而甘過夏月不壞一種形如手指者大而淡春月易爛擇種宜取皮薄光潤者若根毛粗勁種多不佳 又曰山藥各處所出不一大都形類壯大者不免虛疎入藥尤無力閩中有一種形細如指新安一種形扁而細性堅勝實味

地利經曰大者折二寸為根種當年便得子收子後一

冬埋之二月初取出便種忌人糞如旱放水澆又不宜

苦濕須是牛糞和土種則易成

玄扈先生曰山藥用于作種生絕細有用宿根

頭者亦須根大方可用不若選用大薯斷作種為便

務本新書曰種山藥宜寒食前後沙白地區長丈餘深濶各二尺少加爛牛糞與土相和平勻厚一尺揀肥長山藥上有芒刺者每段折長三四寸鱗次相挨卧於區內復以糞勻覆五寸許旱則澆之亦不可太濕忌大糞苗長以高稍扶架霜降後比及地凍出之外將蘆頭另

甯來春種之勿令凍損

山居要術云擇取白色根如白米粒成者先收子作三五所阬長一丈闊三尺深五尺下密布甆四面亦側布甆防別入傍土中根即細也作阬子訖填糞土排行下子種之填阬滿待苗著架經年已後根甚麗一阬可支

一年食種者截長一寸下種

玄扈先生曰山東種薯法沙地深耕之起土坑深二

尺用大糞乾者和土各半填入坑深一尺次加浮土一尺足踐實正月中畦種薯苗上又加土壅厚二寸候苗長一尺常用水灌數日一次苗長架起春夏長苗秋深即長根根下行遇堅土即大若土太實即不長浮土太

深即長而細 又曰今江南種薯法亦用沙地正月盡耕深二尺每一步灌大糞一石候乾轉耕耙細作畦每畦相去一尺餘其種須極大者竹刀切作一二寸斷用鐵刀切易爛畦中布種每相去五六寸橫卧之入土尺二寸不宜太深種後用水糞各半灌之每畝用大糞四十石苗長用葦或細竹作架三以為簇有草數耕之旱數澆之八九月掘取根向畦一頭先掘一溝深二尺漸削去土取之 又曰藏種法于南簷下向日避風處掘土窖深二尺下用礮糠鋪二三寸次下種仍以礮糠蓋之次下土蓋之臨種時起用 又曰或云山藥下種時勿用手以鋤鑽下之則 易大每年易人而種之

甘藷

即俗名紅山藥也

異物志曰甘藷似芋亦有巨魁剝去皮

肌肉正白如脂肪南人專食以當米穀嵇含南方草木

狀曰甘藷味甘甜經久得風乃澹泊

裨史彙編曰甘藷或曰芋之類根葉

亦如芋大如拳有大如甌者皮紫而肉白蒸食味如薯  
蕷性冷生於米廬之地海中之人皆不業耕稼惟掘地  
種甘藷秋熟收之蒸晒切如米粒作飯食之貯之以充  
饑是名藷糧北方人至者或盛牛具豕膾炙諸味以甘  
藷薦之若梗粟然海中之人壽百餘歲者由食甘藷故  
耳 圖經云江湖間中出甘藷根如薑芋之類而皮紫  
極有大者一枚可重斤餘刮去皮煎煮食之俱美 玄  
扈先生曰藷有二種其一名山藷閩廣故有之其一名  
番藷則土人傳云近年有人在海外得此種海外人亦  
禁不令出境此人取藷藤絞入汲水繩中遂得渡海因  
此分種移植略通閩廣之境也兩種莖葉多相類但山  
藷植援附樹乃生番藷蔓地生山藷形魁壘番藷形圓  
而長其味則番藷甚甘山藷為劣耳蓋中土諸書所言  
藷者皆山藷也今番藷撲地傳生枝葉極盛若于高仰

沙土深耕厚壅大旱則汲水灌之無患不熟閩廣人賴以救饑其利甚大 又曰薯蕷與山藷顯是二種與番

諸為三種皆

絕不相類

玄扈先生曰種諸法種須沙地仍要極肥臘月耕地以大糞壅之至春分後下種先用灰及剉草或牛馬糞和土中使土脈散緩可以行根重耕地二尺深次將諸種截斷每長三二寸種之以土覆深半寸許大略如種薯蕷法每株相去數尺俟蔓生盛長剪其莖另插他處即生與原種不異至秋冬掘起生熟烝煮任用其藏種有

二法其一傳卵于九十月間掘諸卵揀近根先生者勿令傷損用軟草苞之掛通風處陰乾至春分後依前法種一傳藤八月中揀近根老藤剪取長七八寸每七八條作一小束耕地作埒將藤束栽種如畦韭法過一月餘即每條下生小卵如蒜頭狀冬月畏寒稍用草器蓋至來春分種若原卵在土中者冬至後無不壞爛也又曰諸根極柔脆居土中甚易爛風乾收藏不宜入土又不耐冰凍也余從閩中市種北來秋時用傳藤法造



一木桶栽藤種子中至春全桶攜來過嶺分種必活春間攜種即擇傳根者持來有時傳藤或爛壞不壞者生發亦遲惟帶根者力厚易活生卵甚早也

又曰藏種三法其一以霜降前擇於屋之東南無西風有東日處以稻草疊基方廣丈餘高二尺許其上更疊四圍高二尺而虛其中方廣二尺許用稻草櫛之置種焉復用穩覆之縛竹為架籠罩其上以支上覆也上用稻草高垛覆之度令不受風氣雨雪乃已

又一法稻穗襯底一尺餘上加草灰盈尺置種其中復以灰穢厚覆之上用稻草斜苫之令極厚三法藤卵俱合并安置俱得不壞而卵較勝又以磁盆於八月中移栽至霜降如前二法藏之亦活其害藏者仍壞爛也

又曰藏種之難一懼濕一懼凍入土不凍而濕不入土不濕而凍向二法令必不受濕與凍故得全也若北土風氣高寒即厚草苫恐不免冰凍而地窖中濕氣反少以是下方仍著害藏之法冀因愚說消息用之

又曰藏種必於霜降前下種必於清明後更宜留一半於穀雨後種之恐清明左右尚有薄凌微霜也

又曰閩中藏種藤卵俱晒七八分乾收之向後南北收藏俱宜用乾者或半用不乾者雜試之

又曰復有一閩人說留種法於霜降前剪取老藤作種先用大罈洗淨曬乾或烘乾次剪藤曬至七八分乾用乾稻草殼襯罈將藤蟠曲置稻草中次用稻草殼塞口先掘地作坎量濕氣淺深令不受濕深或二尺許淺或

平地先用稻草殼或礮糠鋪底厚二三寸將罈倒卓其上  
次實土滿坎仍填高令罈底土高四五寸至來年清明  
後取起即罈中已發芽矣是說疑諸方具可用并識之

又曰諸每二三寸作一節節居土上即生枝節居土下  
即生根種法待延蔓時須以土密壅其節每節可得三  
五枚不得土即盡成枝葉層疊其上徒多無益也今擬  
種法每株居畝中橫相去二三尺縱相去七八尺以便

延蔓壅節即遍地得卵矣若枝節已遍待生遊藤者宜剪去之猶中飼牛羊

又曰吾東南邊海高鄉多有橫塘縱浦潮沙淤塞歲有開濬所開之土積於兩崖一遇霖雨復歸河身淤積更易若城濠之上積土成邱是未見敵而代築距堙也此等高地既不堪種稻若種吉貝亦久旱生蟲種豆則利薄種藍則本重若將岡脊攤入下塍又嫌損壞花稻熟田惟用種諸則每年耕地一遍斫根一遍皆能將高仰

之土翻入平田平田不堪種稻并用種諸亦勝稻田十倍是不數年間邱阜將化為平疇也況新起之土皆是潮沙土性虛浮于諸最宜特異常土此亦任土生財之一端耳

又曰剪莖分種法待苗盛枝繁枝長三尺以上者剪下去其嫩頭數寸兩端埋入土各三四寸中以土撥壓之數日延蔓矣

又曰諸苗延蔓用土壅節後約各節生根即從其連綴

處剪斷之令各成根苗不致分力此最要法

又曰諸苗二三月至七八月俱可種但卵有大小耳卵  
八九月始生便可掘食或賣若未須者勿頓掘居土中  
日漸大南土到冬至北土到霜降須盡掘之不則爛敗  
矣其種宜高地遇旱災可導河汲井灌溉之在低下水  
鄉亦有宅地園圃高仰之處平時作場種蔬者悉將種  
諸亦可救水災也若旱年得水滯年水退在七月中氣  
後其田遂不及藝五穀蕎麥可種又寡收而無益于人

計惟剪藤種諸易生而多收至于蝗蝻為害草木無遺  
種種災傷此為最酷乃其來如風雨食盡即去惟有諸  
根在地薦食不及縱令莖葉皆盡尚能發生不妨收入  
若蝗信到時能多并人力益發土遍壅其根節枝榦蝗  
去之後滋生更易是蟲蝗亦不能為害矣故農人之家  
不可一歲不種此實雜植中第一品亦救荒第一義也  
又曰凡諸二三月種者其占地也每科方二步有半而  
卵徧焉四五月種者地方二步而卵徧焉六月種者地



方一步有半七月種者地方一步而卵皆徧焉八月種者地方三尺以內得卵細小矣種之疎密略以此準之方二步者畝六十科也方一步有半者畝一百六十科有奇也方一步者畝一百四十科也方三尺者畝九百六十科也九月畦種卵生其下如箸如棗擬作種早種而密者謹視之去其交藤

又曰人家凡有隙地悉可種藷若地非沙土可多用柴草灰雜入凡土其虛浮與沙土同矣即市井湫隘但有

數尺地仰見天日者便可種得石許其法用糞和土曝乾雜以柴草灰入竹籠中如法種之

又曰或問諸本南產而予言可以移植不知京師南北以及諸邊皆可種之以助人食無令軍民枵腹否余遽應之曰可也諸春種秋收與諸穀不異京邊之地不廢種穀何獨不宜諸耶今北方種諸未若閩廣者徒以三冬冰凍留種為難耳欲避冰凍莫如窖藏吾鄉窖藏又忌水濕若北方地高掘土丈餘未受水濕但入地窖即

免冰凍仍得發生故令京師窖藏菜果三冬之月不異春夏亦有用法煨熟令冬月開花結蓂者其收藏諸種當更易於江南耳則此種傳流決可令天下無餓人也

又曰吳下種吉貝吾海上及練川尤多頗得其利但此種甚畏風潮每至秋間纔生花實一遇風雨便受其損若大風之後更遇還風則根撥實落大不入矣若將吉貝地種諸十之一二雖風潮不損此種撲地成蔓風無所施其威也

還風者一日東南一日西北之類也

又曰昔人云蔓菁有六利又云柿有七絕余續之以甘  
諸十三勝一畝收數十石一也色白味甘于諸土種中  
特為最絕二也益人與薯蕷同功三也遍地傳生剪莖  
作種今歲一莖次年便可種數百畝四也枝葉附地隨  
節作根風雨不能侵損五也可當米穀凶歲不能災六  
也可充籩實七也可以釀酒八也乾久收藏屑之旋作  
餅餌勝用飴蜜九也生熟皆可食十也用地少而利多  
易于灌溉十一也春夏下種初冬收入枝葉極盛草薺

不容其間但須壅土勿用耘鋤無妨農功十二也根在  
深土食苗至盡尚能復生蟲蝗無所奈何十三也

又曰閩廣人收諸以當糧自十月至四月麥熟而止東  
坡云海南以諸為糧幾米之十六令海北亦爾矣經春  
風易爛壞須先曬乾藏之

又曰甘諸所在居人便足半年之糧民間漸次廣種米  
價諒可不至騰踊矣但慮豐年穀賤公家折色銀輸納  
甚艱民間急宜多種桑株育蠶擬納折銀可也

造酒法諸根不拘多少寸截斷曬晾半乾上甑炊熟取出揉爛入瓶中用酒藥研細搜和按實中間作小坎候漿到看老嫩如法下水用絹袋漉過或生或熟任用其入缸寒煖酒藥分兩下水升斗或用麴蘖或加藥物香料悉與米酒同法若造燒酒或即用諸酒入鍋蓋以錫兜蓋煮滴槽成頭子燒酒或用諸糟依法造成常用燒酒亦與米酒米糟造燒酒同法

蘿蔔爾雅茭蘆萑

註云紫花松也

一名萊菔一名電突一名土

酥

王禎曰蘆菔俗呼蘿蔔在在有之北方者極脆食之無查中原有迭拜者其質白其味辛甘尤宜生啖能

解麪毒子可入藥四時皆可種然不如未伏秋初為善破甲以後便可供食老圃云蘿蔔一種而四名春曰破

地雖夏曰夏生秋曰蘿蔔冬曰土酥故黃山谷云金城土酥淨如練以其潔也蘇頌曰有大小二種大者肉

堅宜蒸食小者白脆河朔有極大者信陽有重過二三十斤者一時種蒔之力也

齊民要術曰種蘆菔法與蔓菁同

蘆菔根實粗大其角及根葉並可生食非

燕菁  
比也

四時類要種法宜沙糯地五月犂五六遍六月六日種鋤不厭多稠即小開拔令稀至十月收窖之又新添種

蘿蔔先深斫成畦耙平每畦可長一丈二尺闊四尺用  
細熟糞一擔勻布畦內再斫一遍即起覆土再耨平澆  
水滿畦候水滲盡撒種子上用木杪勻撒覆土苗出兩  
葉早則澆之每子一升可種二十畦水蘿蔔正月二月  
種六十日根葉皆可食夏四月亦可種大蘿蔔初伏種  
之水蘿蔔末伏種皆候霜降或淹或藏皆得用如要來  
年出種深窖內埋藏中安透氣草一把至春透芽生取  
出作壟或畦下糞栽之早則澆令得所夏至後收子可



為秋種 蘿蔔三月下種四月可食五月下種六月可  
食七月下種八月可食地宜肥土宜鬆澆宜頻種宜稀  
密則芟之肥大

農桑通訣曰種同蔓菁法每子一升可種二十畦

畦可長一

丈二尺闊四尺

擇地宜生耕地宜熟

地生則不蠹耕熟則草少

凡種先用熟

糞勻布畦內仍用火糞和子令勻撒種之俟苗出成葉

視稀稠去留之其去之者亦可供食以疎為良

疎則根大而美

密則反是

尺地約可二三窠厚加培壅其利自倍欲收種子

宜用九月十月收者擇其良去鬚帶葉移栽之澆灌得

所至春二月收子可備時種

宿根在地不經移種者為斜子種之芥而不肥按

蔬茹之中惟蔓菁與蘿蔔可廣種成功速而為利倍然

蔓菁北方多獲其利而南方罕有之蘆菔南方所通美


者生熟皆可食淹藏腊豉以助時饌凶年亦可濟饑功

用甚廣

玄扈先生曰蘿蔔耗氣耗血不如蔓菁十倍

王省曾曰胡蘿蔔伏內畦種或壯地漫種頻澆灌則自

然肥大



農政全書卷二十七